



Inatsisartuni ilaasortaq Justus Hansen, Demokratit
-/maani

**Kalaallit Nunaata siunissami qarasaasiani paasissutissaatinik
toqqorsivinngorsinnaanissaa pillugu § 37 naapertorlugu apeqqummut akissut**

Asasara Justus Hansen

Naalakkersuisunut apeqqutit matuma kinguliani tulleriarlugit akineqarput.

**1. Kalaallit Nunaata siunissami qarasaasiani paasissutissaatinik
toqqorsivinngorsinnaanissaa Naalakkersuisut qanoq isumaqarfigaat?**

Qarasaasiani paasissutissanik toqqorsivinngortitsinissamut tunngavissat uku sumiiffimmi pineqartumi pineqartussaapput:

- Innaallagiaq
- It-mut piginnaasallit
- Netværkimi pisinnaasat

Qarasaasiani paasissutissanik toqqorsiveqarfimmik peqarnermi sarfaq annertooujussuaq atoneqartussaavoq. Islandimi nukissiorfik qarasaasiani paasissutissanik toqqorterivimmut ataatsimut atugassaq, 2*45 MW-nik innaallagissiorsinnaasoq pilersinneqarsimavoq; Utoqqarmiut Kangerluarsunnguanni erngup nukinganik innaallagissiorfik Kalaallit Nunaanni annersaalluni 45 MW-nik innaallagissior tartoq. Tassalu Kalaallit Nunaanni qarasaasiani paasissutissanik toqqorsiveqartoqalissappat erngup nukinganik innaallagissiorfimmut allamut aningaasaliisoqartariaqassaaq.

Kisiannili innaallagissamik annertooujussuarmik atuisinnaanissaq kisimi anguneqartussaangilaq – aammattaaq akit unammillersinnaasussaapput. Tamatumunnga atatillugu oqaatigissavara, TELE Greenlandip paasissutissiinera malillugu Islandimi qarasaasianik paasissutissanut toqqorsiveqarfik kWh-mut 0,07 koruuninik akiliisarmat. Tassunga assersuutitut oqaatigineqassaaq, Nuummi, Utoqqarmiut Kangerluarsunnguannit innaallagissersorneqartumi, 2012-imi akiviusut malillugit akigititassat kWh-mut 0,92 koruuniusussaammata. Innaallagissiorfimmik, qarasaasiani paasissutissanik toqqorsiveqarfimmut assigisaanulluunniit immikkut innaallagissersuisussamik sanasoqassappat, suliassaq siunertamut naleqqussarneqarsinnaassaaq, taamaalillunilu kWh-mut akiusoq appartinneqarsinnaassalluni.

23. december 2011
Sagsnr. 2011-058920
Dok.nr. 792076

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

It-mik piginnaasalinnut tunngatillugu qarasaasiani paasissutissanik toqqorsiveqarfimmik sananermi sulisut 25-it missaaniittut, pingaartumik systemingeniørut aamma it-mik suliaqartutut immikkut ittumik ilisimasalittut ilinniagaqartut atorfissaqartinneqartussaasut TELE Greenland naliliivoq. TELE Greenlandimit ilisimatitsissutigineqarpoq, suliffeqarfiup misilittagai malillugit sulisussanik taamatut piginnaanilinnik pileritsatsitsiniarnissaq ajornakusuussasoq.

Netværkimi pisinnaasat eqqarsaatigalugit, pisinnaasat pisariaqartinneqartut immap naqqatigut kabeli aqqutigalugu pissarsiarineqarsinnaassapput. Isumannaallisaaneq eqqarsaatigalugu qarasaasiani paasissutissanik toqqorsiveqarfik nunamiit avammut ikinnerpaamik marlunnik attaveqartussaavoq, taakkulu Nuummi, Islandimut aamma Canadamut attaveqartumi pigineqarput.

Ataatsimulli isigalugu Naalackersuisoqarfik isumaqarpoq, maannarpiq Kalaallit Nunaanni piunasaqaatit, nunani allani it-mik ingerlatseqatigiiffiit sumiiffimmut, qarasaasiani paasissutissanik toqqorsiveqarfiusussamut piunasaqaatigiumaagassai tamakkerlutik pigineqanngitsut. Qarasaasiani paasissutissanik toqqorsiveqarnerup iluani ineriartorneq Naalackersuisut malinnaaffigaat, aammalu tamakku pillugit nunani allani IT-mik ingerlatseqatigiiffinnut, sinaakkutissat pioreersut atorlugit Kalaallit Nunaanni pilersitsinissamut periarfissanik takunnissinnaasunut oqaloqateqarnissamut ammallutik.

2. Naalackersuisut nunani allani qarasaasialerisunut attaveqarnikuuppat, Kalaallit Nunaata siunissami qarasaasiani paasissutissaatinik toqqorsivinngorsinnaanissaa pillugu?

Kalaallit Nunaat qarasaasiani paasissutissanik toqqorsiveqarfiusinnaasutut nunani allani it-mik ingerlatseqatigiiffinnut pilerisaarutiginiarlugu Naalackersuisut suliniutinik aalajangersimasunik aallartitsisimangillat.

Kisiannili ilisimatitsissutigisinnaavara, Imarpik ikaarlugu paasissutissanut pisinnaasanik tunisisinnaaneq eqqarsaatigalugu nunani allani qarasaasiani paasissutissanik toqqorsiveqarfiit suleqatigilersinnaanerannut periarfissanik TELE Greenland misissuimmat. Naalackersuisut suliniummut, immaqa nunap iluani inuussutissarsionermut periarfissanik nutaanik pilersitseqataasinnaasumut tassunga eqqumalluarput.

Neriuppunga matuma siuliani apeqqutitit akisimassallugit, aammalu Luleå-mi suliniutissat, taakkulu illoqarfimmut periarfissartiligassai pillugit ilisimatikkamma qutsavigerusuppakkit.

Inussiarnersumik inuulluaqqusillunga

Jens B. Frederiksen